

8 Nemendafélag skóla

8.1 Kynning, lög og starfsreglur

Á heimasíðu skólans undir tenglinum Nemendur/Nemendaráð má finna upplýsingar um stjórn nemendafélagsins þ.e. nemendaráð auk upplýsinga um dagskrá félagsins. Markmið félagsstarfs er að auka félagsfærni nemenda og efla samkennd. Félagsstarf nemenda í 8.–10.bekk Ölduselsskóla er skipulagt af nemendaráði sem er lýðræðislega kosið. Hver bekkur kýs tvo fulltrúa til setu í ráðinu sem síðan kýs sér stjórn. Félagsstarfið hefur verið lagað að reglum um útivistartíma barna og unglinga og eru foreldrar hvattir til að virða þær reglur. Einn stærsti viðburður í félagsstarfi nemenda er árshátíð 8.-10. bekkjar. Einnig er hefð fyrir því að unglingadeild skólans setji upp leiksýningu.

Lög Nemendafélags Ölduselsskóla-

1.grein

Félagið heitir Nemendafélag Ölduselsskóla, skammstafað NÖS

2.grein

Tilgangur/hlutverk NÖS er að:

- vinna að félags-, hagsmuna- og velferðarmálum nemenda skólans.
- vera nemendum skólans jákvæð og uppbyggileg fyrirmynd jafnt innan sem utan skóla.
- tryggja að upplýsingar berist frá bekkjarfélögum til nemendaráðs og frá nemendaráði til bekkjarfélaganna.
- skipuleggja alla dagskrá félagsstarfsins í samráði við félagsstarfakennara og skólastjórnendur.
- reyna að tryggja að sem flestir geti fundið eitthvað við sitt hæfi.
- reyna að virkja sem flesta nemendur til starfa og þátttöku í félagslífi skólans.
- stuðla að betri umgengni nemenda um skólann og umhverfi hans.
- vinna gegn ofbeldi í skólanum og að umfjöllun um nemendur í skólanum sé ekki meiðandi á neinn hátt.

3.grein

Aðeins nemendur í 8.-10.bekk skólans eru félagar í NÖS og hafa rétt til að stunda félagsstarf skólans svo lengi sem skólaganga þeirra er innan eðlilegra marka.

4.grein

Nemendaráð er lýðræðislega kosið í upphafi skólaárs. Hver bekkjardeild í 8. og 9. bekk kýs sér tvo fulltrúa til setu í ráðinu. 10.bekkur kýs sér 6 fulltrúa úr árganginum sem skiptist jafnt á bekki. Nemendaráð kýs sér síðan stjórn: formann, varaformann, gjaldkera, ritara, sjoppustjóra og umsjónamann heimasíðu. Stjórnin er tengiliður ráðsins við skólastjórn og stýrir störfum ráðsins.

5.grein

Nemendaráð getur stofnað nefndir sem heyra undir stjórn nemendaráðs. Markmið slíkra nefnda er að styrkja félagsstarf skólans enn frekar. Slíkar nefndir getu verið ritnefnd, skreytinganefnd, árbókarnefnd, klúbbstarfsnefnd og fleiri eftir atvikum.

6.grein

Einfaldur meirihluti nægir til þess að samþykkja mál innan ráðsins.

7.grein

Skyldumæting er á alla fundi nemendaráðs og þurfa nemendaráðsmenn að tilkynna forföll til formanns.

8.grein

Fjármunir nemendasjóðs eiga ekki að nýtast í þágu eiginhagsmuna nemendaráðsmanna. Vinnuferð nemendaráðs í upphafi skólaárs er undanþeginn þessari reglu.

9. grein

Ef fulltrúi nemenda í nemendaráði fer ekki eftir lögum félagsins og reglum skólans fyrirgerir hann rétti sínum til setu í ráðinu. Áður en til brottvísunar kemur vísar félagsstarfskennari máli viðkomandi nemanda til nemendaverndarráðs. Þar fær erindið endanlega afgreiðslu.

Formaður NÖS:

Formaður NÖS hefur með höndum mikilvægasta starf félagsins og á honum hvílir mest ábyrgð. Hann þarf að vera í góðu sambandi við félagsstarfakennara, skólastjórnendur, foreldrafélag, starfsfólk skólans, nemendaráðsmenn og nemendur skólans. Hann þarf að hafa gott lag á því að skipta verkum milli manna og leggja sig fram við að virkja sem flesta nemendur til starfa í félagsstarfinu. Hann þarf að fylgjast með því að öll verk séu unnin vel og stjórnar fundum ráðsins. Formaður NÖS kemur fram fyrir hönd nemendafélagsins út á við og þarf þess vegna að vera góð og jákvæð fyrirmynd jafnt innan sem utan skóla. Formaður NÖS er í 10.bekk.

Varaformaður NÖS:

Varaformaður NÖS er formanni til aðstoðar og stjórnar í forföllum hans. Varaformaður NÖS er í 10.bekk.

Gjaldkeri NÖS:

Gjaldkeri NÖS sér um fjárreiður nemendafélagsins og annast reikninga og bókhald. Gjaldkeri tekur þátt í uppgjöri reikninga ársins í samráði við fjármálastjóra skólans. Gjaldkeri hefur umsjón með fjáröflunum nemendafélagsins. Gjaldkeri NÖS er í 9.bekk.

Ritari NÖS:

Undir handleiðslu félagsstarfskennara skráir ritari NÖS fundargerð nemendaráðsfunda og heldur utan um öll erindi, bréf og önnur gögn sem berast ráðinu. Ritari NÖS sendir félagsstarfakennara, skólastjórnendum og forstöðumanni Hólmásels dagskrá og fundargerð nemendaráðsfunda í tölvupósti.

Sjoppustjóri:

Sjoppustjóri ber ábyrgð á veitingasölu. Hann pantar vörur, ákveður verðlagningu í samráði við félagsstarfskennara, fylgist með birgðum og sér um sölu ásamt aðstoðarmönnum. Sjoppustjóri heldur utan um bókhald sjoppunnar í samvinnu við gjaldkera NÖS og er ábyrgur fyrir því að sjoppa skili hagnaði.

Umsjónarmaður heimasíðu / Facebook:

Umsjónarmaður heimasíðu ber ábyrgð á heimasíðu nemendafélagsins og sér um að

uppfæra síðuna reglulega og halda henni við. Á heimasíðunni eiga að vera upplýsingar um, nemendafélagið og starfsemi þess, myndir úr félagslífinu og annað sem viðkemur félagslífi nemenda skólans.

Umsjónarmaður tækja - Tækjavörður

Umsjónarmaður tækja er valinn af skólastjórnendum og er starfsmaður skólans. Heimilt er að velja honum aðstoðarmenn. Umsjónarmaður tækja þarf að vera traustur og hafa góðan orðstír. Einungis er hægt að velja nemanda í embætti tækjavarðar sem fylgir reglum skólans og er með ástundun í góðu lagi.

Umsjónarmaður tækja þarf að hafa góða þekkingu á hljómtækjum og vera tilbúinn að leggja á sig mikla vinnu. Hann þarf alltaf að vera til taks þegar skólinn þarf á því að halda bæði í þágu nemenda, kennara, foreldra og annarra er þurfa á þekkingu hans að halda.

Umsjónarmaður tækja:

- sér um hljóðkerfi og ljósabúnað.
- situr fundi nemendaráðs.
- hefur lykjavöld af diskóbúri í samráði við félagsstarfskennara.
- sér til þess að óviðkomandi séu ekki í diskóbúri

8.2 Viðburðir og hefðir í félagsstarfi

Böll/diskótek: Nýnemaball, þemaball, jólaball, vinaball, árshátíð og lokaball.

Klúbbastarf: Klúbbastarf nemendafélagsins hefst yfirleitt í nóvember. Nokkur hefð er fyrir klúbbastarfi sem kallast Sælkeraklúbbur og Skreytingaklúbbur og Árbókarklúbbur. Hver klúbbur er 5 - 6 skipti fyrir utan skreytingaklúbb sem er starfandi allan veturinn.

Þá hefur nemendafélagið reynt að hafa eitt Menningarkvöld á ári.

Nemendafélagið sér um þemadag fyrir árshátíð og stendur oft fyrir borðtenniskeppni sem fer fram í frímínútum. Nemendafélagið skipuleggur ratleik á vordögum.

8.3 Nöfn og netföng stjórnar

Stjórn nemendafélags 2015-2016.

Formaður	Guðrún Eydís Arnarsdóttir 10 GRG
Varaformaður	Þorsteinn Óli Hannesson 10. VRB
Ritari	Alexandra Guðmundsdóttir 9. TE
Gjaldkeri	Anton Breki Snæþórsson
Sjoppustjóri	Ísabella Rún Jósefsdóttir 10. JB
Umsjónarmaður facebook/snapchat/instagram	Andrea Guðrún Guðmundsdóttir 9. TE
Umsjónarmaður facebook/snapchat/instagram	Elínborg Una Einarsdóttir 9. MS

10.bekkur

Anton Breki Snæþórsson 10. JB (Gjaldkeri)

Dagbjört Sara Imsland 10. JB (Sjoppustjóri)

Guðrún Eydís Arnarsdóttir 10. GRG (Formaður)

Ísabella Rún 10. GRG (Sjoppustjóri)

Rut Sigurðardóttir 10. JB

Þorsteinn Óli 10. VRB (Varaformaður)

9.bekkur

Alexandra Guðmundsdóttir 9. TE (Ritari)

Andrea Guðrún Guðmundsdóttir 9. TE (Facebook/snapchat/instagram)

Birgitta Rut Skúladóttir 9. MS

Elínborg Una Einarsdóttir 9. MS (facebook/snapchat/instagram)

Jóna Guðbjörg Jónsdóttir 9. TE

Kristín Helga Ómarsdóttir 9. TE

8.bekkur

Ingveldur Þóra Samúelsdóttir 8. JKÍ

Ólafur Tómas Ólafsson 8. DK

Sigurður Páll Ndaw Sigursteinsson 8. IK

Silja Haraldsdóttir 8. JKÍ

Snær Björnsson 8. IK

Tindra Gná Birgisdóttir 8. IK